

Lokacija:	Regionalni
ID Projekta:	56816
Sektor poslovanja:	Proizvodnja i usluge
Vrsta obavijesti:	Privatna
Kategorija utjecaja na okoliš:	B
Datum odobrenja:	30. septembar 2025.
Status:	Isplate u toku
Datum objave Sažetka projekta na engleskom jeziku:	10. novembar 2025.

U skladu sa Stavom 2.6 Odjeljka III Politike pristupa informacijama, objavljivanje ovog PSD-a je odgođeno prema stavu 1.4.4 Direktive o pristupu informacijama.

U skladu sa odjeljkom 1.4.2 (iii) Direktive o pristupu informacijama: “za projekte koje rukovodstvo Banke odobri nakon što mu Odbor direktora prenese ovlast za davanja odobrenja, sažetak projekta se objavljuje na početku odnosnog roka u kojem je država članica dužna dostaviti obavijest o tome da nema primjedbi na projekt u skladu s člankom 13 (iii) Sporazuma o osnivanju EBRD-a.”

Opis projekta

Učešće u iznosu do 15 mil. u izdavanju zadužnice (Schuldschein) od strane Mann + Hummel Holding GmbH.

Ciljevi projekta

EBRD financira iznos do 15 m EUR koji će se koristiti za kapitalna ulaganja (capex) koja ispunjavaju GET kriterije i razvojna kapitalna ulaganja u Poljskoj, Češkoj i Bosni i Hercegovini, kao i kapitalna ulaganja u Ukrajini za rekonstrukciju skladišta oštećenog ratnim dejstvima.

Tranzicijski efekat

ETI bodovi: 63

Očekivani tranzicijski efekat Projekta proizlazi iz njegovih kvaliteta otpornosti i „zelenih“ kvaliteta. Po kvalitetu Otpornosti, ekvivalent EBRD-ovog iznosa (EUR 2.1 m) će se koristiti za ponovnu izgradnju skladišta Mann+Hummela u Ukrajini

koje je oštećeno ratnim dejstvima. Po ekološkom („zelenom“) kvalitetu, Projekat će podržati kapitalna ulaganja u svrhu uštede energije u supsidijarnim kompanijama Zajmoprimca u Češkoj, Poljskoj i Bosni i Hercegovini u ukupnom iznosu od 2.48 m EUR (16.5% GET).

Informacije o Klijentu

MANN AND HUMMEL HOLDING GMBH

Mann + Hummel Holding GmbH, sa sjedištem u Njemačkoj, je jedna od najvećih kompanija na polju proizvodnje automobilskih i industrijskih filtera, i proizvodi sisteme filtriranja zraka, sisteme tečnih filtera i filtera zraka u kabini za primjenu u automobilima i industriji, sa diversificiranim uticajem proizvodnje koja se odvija na više od 80 lokacija na šest kontinenata.

EBRD finansijski sažetak

EUR 15,000,000.00

Ukupna vrijednost Projekta

EUR 15,000,000.00

Dodatnost

EBRD učestvuje u najdužim tranšama Zadužnice (Schuldschein) (7-godišnja i 10-godišnja), za kojima je potražnja na tržištu slaba.

Sažetak okolišnih i socijalnih pitanja

Projekt je svrstan u Kategoriju B (ESP 2024). Okolišni i socijalni (E&S) rizici povezani sa kapitalnim izdvajanjima za uredske prostore, proizvodne objekte i skladišta specifični su za lokaciju i lako se mogu ublažiti primjenom odgovarajućih mjera. Kompanija je već od prije bila Klijent Banke i Dubinsko istraživanje (Due Diligence) za E&S (ESDD) se temelji na ranijoj procjeni i javno dostupnim informacijama.

Klijentov Sistem upravljanja E&S je napredan i omogućuje implementaciju Projekta u skladu sa EBRD-ovim Okolišnim i društvenim zahtjevima (eng. *Environmental and Social Requirements*, ESR). To se demonstrira objavljivanjem godišnjih izvještaja o održivosti u skladu sa standardima Globalne inicijative za izvještavanje (eng. *Global Reporting Initiative*, GRI). Kompanija se priprema za izvještavanje u skladu sa Direktivom o korporativnom izvještavanju o održivosti (eng. *Corporate Sustainability Reporting Directive*, CSRD) i trenutno vrši procjenu materijalnosti za Evropske

standarde izvještavanja o održivosti (eng. *European Sustainability Reporting Standards*, ESRS). Kompanija posjeduje planove upravljanja okolišem za otpad i učinkovitost korištenja vode i energije. Uvjetima zapošljavanja i rada upravlja se u skladu sa ESR2 i ljudskim pravima, a politike lanca opskrbe uključuju načela iz Smjernica OECD-a. Sistem upravljanja zdravljem i zaštitom na radu je u skladu sa standardima ISO 45001. Obaveza očuvanja usklađenosti sa ESR EBRD-a ovog projekta je uključena u sporedni ugovor. Za ovaj projekat izrada ESAP-a nije obavezna.

Ekološke („zelene“) procjene

Primjenom EBRD-ovog Pristupa usklađivanju sa Pariškim sporazumom za direktno financirane investicije utvrđeno je da je projekat u skladu sa ciljevima ublažavanja i prilagodbe iz Pariškog sporazuma. Projekat je usklađen sa ciljevima ublažavanja iz Pariškog sporazuma koji su navedeni na zajedničkoj usklađenoj listi MDB-a u kategoriji „industrija koje nisu energetske intenzivne“. Projekat je usklađen sa ciljevima prilagodbe iz Pariškog sporazuma jer ne postoje materijalno relevantni fizički rizici po klimu, i projekt nije u suprotnosti sa nacionalnim politikama za prilagodbu odnosno klimatsku otpornost šireg sistema. 16.5 % EBRD-ovog financiranja se klasificira kao zeleno financiranje, s obzirom da podržava aktivnosti kojima se namjeravaju postići ciljevi ublažavanja klimatskih promjena. Atribucija se vrši u skladu sa metodologijom utvrđivanja atribucija zelenom financiranju EBRD-ovih investicija i posebnim smjernicama iz Odjeljka 4a Proizvodnja – Energetska efikasnost.

Tehnička saradnja i financiranje nepovratnim sredstvima (grantovi)

Nema.

Kontakt podaci kompanije

MANN+HUMMEL International GmbH & Co. KG
info@mann-hummel.com
+49 (7141) 98-2545
www.mann-hummel.com
Schwieberdinger Straße 126, 71636 Ludwigsburg, Germany

Posljednje ažuriranje Sažetka projekta

10. novembar 2025.

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su ovdje.

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent. Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte EBRD Nabavke:

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem Obrasca EBRD-a za upite.

Okolišna i socijalna politika (ESP)

Okolišna i socijalna politika i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u Okolišnoj i socijalnoj politici.

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih

pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerojatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom Okolišnom i socijalnom politikom ili konkretnim odredbama njene Politike pristupa informacijama koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg povjerljivog e-obrasca, e-pošte, pošte ili telefona molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s Politikom odgovornosti u realizaciji projekata i Smjernicama. Identitet podnositelja zahtjeva može, na njegov zahtjev, ostati zaštićen.